

٤١ - مرثد وعبودية الترك □ لقاءات التهجد - الشيخ محمد خيرى

محمد خيرى

السلام عليكم ورحمة الله وبركاته. الحمد لله رب العالمين. له الحمد الحسن والسماء الجميل واشهد ان لا اله الا الله وحده لا شريك له واشهد ان ان محمدا عبده ورسوله - [00:00:00](#)

فنسأل الله سبحانه وتعالى ان يشفي ويعافي اخونا احمد النجار فاسألکم الدعاء له. اسأل الله ان يعافيه ويشفيه ينكأ لك عدوا ويمشي الى الصلاة نسأل الله سبحانه وتعالى ان يلبسه لباس العافية - [00:00:13](#)

ويجعل هذا المرض كفارة له. يقول الله سبحانه وتعالى في كلامه عن قوم يونس فامنوا فمتعناه فذكر الله سبحانه وتعالى ان ثم متعة مع الايمان. لان هناك اقوام هناك مفهوم - [00:00:33](#)

ان كلمة المتعة دي هي كلمة كلما ذكرت ينصرف الذهن الى معنى سلبي. وربما يكون يعني هي كلمة شوية سيئة السمعة عند كثير من الشباب. هل المتعة دائما تذكر في الامور البعيدة عن ربنا ولا في متعة في الطريق الى الله سبحانه وتعالى؟ لأ في متعة في الطريق الى الله سبحانه وتعالى. ذكرها الله - [00:00:53](#)

وتسمعونها ان شاء الله ان يسر الله غدا في هود وانتم ترون اثر الاستغفار في طريق المتعة وآ في يوم من الايام في شاب دخل على النبي صلى الله عليه وسلم الشاب ده هو عبدالله بن عمرو - [00:01:23](#)

فكان رايح يستفسر ويستشكل شىء. فهو يصوم كل يوم وآ يقرأ القرآن كل يوم ختمة كاملة فالنبي صلى الله عليه وسلم رغبه الا يفعل هذا وانه يقرأ القرآن في اكثر من ذلك. وظل النبي يتدرج معه - [00:01:43](#)

حتى قال اقرأه في ثلاث ليس اقل من هذا. فقال كلمة عميقة جدا. قال يا رسول الله دعني استمتع بشباب فهو كان يرى المتعة في الطريق الى الله سبحانه وتعالى. فهو اكيد شاف حاجة جواه هو عاش حاجة في روحه وفي قلبه - [00:02:03](#)

وفي وجدانه جعلت ان هو يترجم الحاجة دي ان اسمها متعة. سبني استمتع. فيه ناس كده بتستمتع في الطاعة ودي نصيحة لاولياء الامور. اياكم ان ابنكم يكون بيستمع في طريق الله سبحانه وتعالى. سم انت تعرقل هذا الطريق. اذا كان - [00:02:23](#)

متعته في بيت من بيوت الله متعته انه يحفز كتاب الله متعته ان يحضر المجالس التي تقربه من الله فدعه ويستمتع. اذا كان متعب بنتك في زي امهات المؤمنين فاستحلفك بالله دعها تستمتع. لان في يوم من الايام في المسجد ده - [00:02:43](#)

في ليالي زي دي. جا لي واحد وقال لي انا عاوز انكم انتم بتعملوا برامج للشباب اللي في سانوي وجامعة وكده. لان انا عاوز حد يعمل عاوز ضروري بيئة صالحة للسنة ده. فقلت له لأ انت عارف حضرتك السن ده وطبيعته والاجواء العامة والزروف كلام كثير -

[00:03:03](#)

غير كده قلته يعني قال لي كلمة فهو قال لي كلمة قال لي انا معك ميزانية مليون وانت طالع بس اهم حاجة نعمل برامج للشباب وابني يستفيد منها. طيب ليه؟ انت حريص اوي كده. واسترجعنا كده بالزمن. الشاب ده دخل المسجد قبل كده - [00:03:23](#)

وكان ده قبل كده برضه سبحان الله وحصل يعني ضيق فطلعه من المسجد. كان فيه شاب دخل برضه مسجد ابن تيمية ولما دخل يحتك بالبيئة الصالحة فبدل ما ولده يشكر الله سبحانه وتعالى ان ربنا من عليه ببيئة صالحة وهو قصر - [00:03:43](#)

في تنشئة هذا العبد على محبة الدين. بدل ما يشكر ربنا سبحانه وتعالى ويشكر اصحاب المسجد ويشكر الكلام ده المهم منع ابنه وقال له لأه وبتاع هو بيحكي بيقول انا ضغطت عليه لدرجة ان انا ايه خليته ودفعت له عشان يروح الجامعة الامريكية ويبعد تماما عن -

[00:04:03](#)

محافظة وعن الناس دي. حصل حاجة وهو في تالطة جامعة عرفها. الوالد ده عرف المشكلة دي وهو في تالطة جامعة ابنه. لان في يوم من الايام جا له اتصال قال له تعال حضرتك عشان ابنك في المستشفى. فالراجل جري راح لما راح المستشفى لقي ابنه ايه؟ مصحة. اتعالج من الادمان - 00:04:23

فانزعج جدا ابن مدمن فقال لي ايه؟ فبيتكلم مع الشاب ده قال له يا عمو ابنك حضرتك من يوم ما دخل الجامعة وهو ومدمن وهو يشرب من سنة اولى جامعة. انا كنت فاكرا ان حضراتكم عارفين عمل ايه بقى؟ كان بيروح يبكي في المسجد. يقول لهم استحلطكم بالله - 00:04:43

تعالوا خدوا ابني. بعد ايه؟ هو انت فاكرا ان الموضوع ده بيبقى بالسهولة كده؟ لأ. فيه ملفات اللي بيغرق انت خلاص واسأل الله ان يعفو عن الجميع ويهدي الجميع. بس احيانا الله سيقدر عليك تدفع فاتورة. فاتورة - 00:05:03

انك حجت النور عن بنتك. وفاتورة انك بعث النور عن ابنك. وده مش هيعدي. هتدفعه وهدفعه غالي ودايما تكاليف العلاج عشرين ضعف الاقينا. ان لقينا علاج اصلا. عشرين ضعف تكاليف البناء. صدقوني انا لو بيجي لي ميت استشارة اسبوعيا نصها في الانحرافات الاخلاقية - 00:05:23

والحاجات المتعلقة بالشهوة ومتعلقة بايه؟ بالامور دي. وتقريبا خمسة وسبعين في المية منهم من اسر مؤدبة زاهرا اللي هو يقول لك ايه الالتزام المصري المحترم لا يا جماعة احنا حاليا في زمن الفتنة خطافة. شف الجيل اللي هو جيل الفين - 00:05:53

اللي هو الفين وخمسة الفين وعشرة. ده عشان يتفرج على حاجة غلط كان بيتعب ويرهق. عشان يقابل كان يتعب. جينا الفين ده كان يتعب خالص. النهاردة لأ الموضوع ابسط من اي حاجة. ولزك ابنك لو اتشقلب لو اتشقلب كده - 00:06:13

خلاص؟ لا تمكنا من الموبايل تحت اتناشر سنة. ويوم ما تمكنا لازم بكنترول. ضيق عليه عشان ما تجيش تدفع فاتورة مش هتبقى قدها. وتسعين في المية من اللي بيعق ومش بيعق قاصد. ده هي حاجة زهرت قدامي فضول - 00:06:33

ما رجعش. على فكرة الفضول اللي عند ابنك هو كان عندك وانت زمان. بس انت كان الفضول ما بتعرفش تسقيه. هتسقيه ازاى؟ الدنيا متقفلة. هو هو النهاردة هيزيد ازاى؟ بيتفرج على جون جون جون لمحمد صلاح. فيه اكر من كده؟ حاجة عادية. يروح طالع له ده. بيلعب لعبة يروح طالع له ده - 00:06:53

وعادي هتبقى حضرتك اسمك عبدالرحمن ومراتك اسمها خديجة. ومراتك اسمها عائشة. وانت اسلم. والولد اسمه ميسرة وهتلاقي المشاكل دي عشان تبقى اوعى بس تكون فاكرا اصله يا جماعة النار بتحرق صح؟ فيه حد يعرف نار في مدينتي ما بتحرقش؟ هو فيه واحد يقول لك كده بس - 00:07:13

بس انا سبحان الله انا اعرف ان في نار في مدينتي ما بتحرقش. ده فيه نار مش عارف في المنصورة بتلسع لسعة خفيفة. النار من خصائصها ايه؟ بتحرق. صح النبي صلى الله عليه وسلم قال لك على حاجات ويحك لا تفتح ما تفتحش الباب ده لان ده الزحلية بتاعة دريم بارك. هتاخذ اول درجة - 00:07:33

اه ودايما الطريق ده انت بتتحكم في الخطوة الاولى. بس عارفين اللي واقف على الصخرة واحد واقف على جبل وفي تحت طوبة فقعد عمال يحيي اخلخها كده فييجي واحد يقول له يا ابني اهدا يا ابني يا ابني هتقع بلعب. اول هو يتحكم في الخطوة الاولى بعد كده اول ما تلف - 00:07:53

وتتدحرج يقدر يمسكها راحت منك. هو فيه طرق كده ابنك اول ما هيتدحرج هيروح منك. فيه حل فيه بس عشان نبقي انت عارف ان فيه فيه واحد ممكن تلحقه في الدرجة الاولى من السرطان. وفيه واحد لأ ده كيماوي واشعاعي وموال. وهنتعب - 00:08:13

وهتدفع الدفع ده ممكن يتعطل سنة واثنين وثلاثة. ممكن يدخل في اشكالات ضخمة جدا معقدة فكرية ونفسية والكلام ده كله ومن الاول احترم بقى. احترم طريق ربنا. فامنوا فمتعنهم. فالطريق ده فيه متعة؟ اه فيه متعة - 00:08:33

فهو عمرو بيقول له ايه؟ دعني استمتع بشبابي يا رسول الله. ان هم عاوز يقول لنا عمرو بن العاص عبدالله بن عمرو بيقول لنا ان الطريق ده فيه متعب. عارفين اكبر دليل على كلام عمرو ايه؟ القعدة اللي انتم قاعدينها. ايه اللي مقعدك يعني من المغرب لغاية

دلوقتي؟ وهاتك يا صلاة واحد وش - 00:08:53

ركعة امبارح والنهارده تستعاشر ركعة. وضغط ودرس ولقاء وجلسة شروق وبتاع ومصعد وصايم. ايه اللي ولكن في حاجة واحدة الحاجة الخفية انك مستمتع. فالطريق ده فيه متعة. والفرق بين متعة الآخرة ومتعة الدنيا. متعة الدنيا هي متعة - 00:09:13

جسد لكن متعة الآخرة متعة روح وهي دي المفتقدة عشان كده عائشة رضي الله عنها تقول ما تمتع الاشرار والفجار بمتعة الا وتمتع الابرار بها وزادوا طاعة الله. زادوا عليها طاعة الله. ان بعض الاخوة ممكن يكون فاكر ان اهل الاستقامة دول الله يعينهم يا عيني. يعني

الاخ - 00:09:33

اسلام ومحمد دول على طول كده حياتهم يعني يوميا يصحى يروح يصلي وزوجته تخش عليه وقاعد يصلي وبتعمل ايه باجي من الاعراف بتجيب ايه يا عم الحاج؟ والصبح بيراجع والكلام ده كله لا يا جماعة - 00:09:53

ناس بتلعب وبتجري وبتضحك وبتاع والكلام ده كله واسلام ده لعب يعني. فلأ بتلعب وبيجروا وبيتحركوا وبيعملوا كل اللي نفسهم فيه. كل اهل الصلاح وكل بيلعبوا ما من متعة اهل الشر يفعلونها. الا ودول بيعملوها. بس بيعملوها ايه؟ بيعملوها بما لا - 00:10:06

شرع الله. انت فاكر ان الناس ديت احتسبوا ان المصيف هيكون في الآخرة؟ لا بيصيفوا ويصيفوا في المكان اللي احلى من المكان اللي انت بتروح فيه. واكاد اجزم اقسام على هذا خلاص الاماكن اه فيه اماكن. فيه اماكن انت بتخرج وتتفسح فيها والكلام ده كله وافضل بكتير. من الاماكن - 00:10:26

بس هو سبحانه الله هو الشيطان سول لك هذا الامر. النهاردة سريع هيتكلم في قصة شاب الشاب ده كان بيعاني بمتعة في الحرام. وبعدين عدلها وزبطها في الحلال. الشاب ده كان والده صحابي من المهاجرين. والده - 00:10:46

قيل انه ايه مات في بدر او بعد قليل. هو له ولد الولد ده كان ما شاء الله جسمه قوي وكان يعني تشوفه تقول ده بيلعب جيم في قباء. كان اسمه مرصد. مرصد ده كان عنده زمان قبل الاسلام. ذنب - 00:11:06

سميه بقى زنب سمية عادة سمية حياة فدي حياتهم. يرحمكم الله. مرصد ابن ابي مرصد الغنوي ده كان زمان مرتبط نفسيا ببنت وتعلق بها. والبنت دي اسمها عناق. خلاص؟ ومرصد كان بيعبها جدا - 00:11:26

لكن سبحانه الله لما اسلم خلاص بيقطع الصفحة زي واحد دخل التهجذ خلاص اقطع الصفحة. او تتمسح سبورة كده ما تلاقهاش شخبطة بتمسك كده ايه منديل وتمسح فتبقى بيضا. من جمال طريق ربنا انها مش هتكون بيضا. لأ. بيقلب لك الفحم ده والحريقة دي

- 00:11:46

والجنينة اللي اتحرقت بيقلبها حدائق ذات بهجة. شف كده ايه الجمال دي! حديقة اه دي حديقتك انت. انت اللي زارع الحاجات دي؟ اه. هو يجملك هكزا وتعالى. فمرسد مسح الماضي. وازاله. وبعدين هو عنده عاطفة حب. فكان مفرغها فين - 00:12:06

كل واحد منا ربنا لما خلقه خلقه باشياء بنت ان كده فيه. فخلق عنك انك تحزن. وخلق عندك مشاعر حب. ومشاعر خو ومشاعر حزن ومشاعر قلق وتوتر. لو ما وجهتش المشاعر دي فيما يريد الله هتروح لغير مرادات الله - 00:12:26

فربنا خلق عندك مشاعر الحب انك بتحب. طاقة الحب دي هتروح فين؟ في ناس بيروح ايه؟ راميه في طريق ليس طريق الله سبحانه وتعالى. ويدنه بقى معذب وكل من تعلقت به واحببته على غير مراد الله احفزه - 00:12:46

الجملة دي بتاعة ابن القيم عذبت به ولا بد. يعني ابن القيم بيقول لك الموضوع ده ما في هوش استثناء. انت ماشي مع بنت متعلق بها والبنت دي في غير مرادات الله. والله دي بتحبني وما بتنامش الا على صوتي. قل اللي نفسك فيه. بس في النهاية لازم تبقى مدرك الادراك ده. هتتعزب بها - 00:13:06

ولا بد وانت هتتعزبي به ولا بد. ليه؟ حتى يفرغ الله سبحانه وتعالى قلبك له. فيقول لك هذا الطريق الذي وقتنا لاجله هو ده طريق انت تعلقت بالمال صح؟ اعزبك بالمال ما تعرفش تنام. عنده ديون وهنا مكاسب وهنا ارباح واجر وروح واعمل ومين اللي عمل -

00:13:26

محاسب وبتاع تتعزب به. مش انت اتعلقت به؟ اكلك اليه. تتعزب به. حتى تؤسر الله سبحانه وتعالى. وترجع تاني. فهو هو عنده طاقة

الحب دي هيوديها فين؟ الطاقة دي لازم يوديها في اتجاه هيوديها فين؟ والذين امنوا شدوا حبا طب ده كده في حب لله وحب للنبي
- 00:13:46

بس انا عندي شوق عندي طاقة. لازم اشغل نفسي. فبدأ يعمل وجه المشاعر دي والعاطفة دي تجاه الاخوة في الله. وانا مش باقي من
اللي مش تحب حد يحب على نفسه خلاص بيدهنه بقى ايه خلاص بقى بيلقي ايه عاوز والكل جعان. الكل جعان واحد يقول لك ما
حدث حاسس بي الا هي. وهي تقول ما حدث حاسس بي - 00:14:06

الوحيد اللي فهمني فالكل عنده ايه الجوع ده الجوع ده لو ما اتسدش بطريق صح انت حر ولزلك معظم الفتيات اللي بيبقى عندهم
جوع زي كده لازم يشبعوا الحاجة دي من المحارم. الاب والاخ يحاول دايم - 00:14:26

يسعدها لان هي لو النهاردة ما خدتش الجانب ده هتأخذه من غيرها او على الاقل هتبقى مؤهلة جدا ان هي تتخطف في حاجة زي
كده. مرصد وجه العاطفة بتاعته دي تجاه عمل لدين الله. ايه هو؟ بعد احد اتأسر مسلمين. بدأ هو يحط - 00:14:46

على عاتقه المسلمين الأسوريين. الأسرى هيبدا هو يجيبهم. وبدأ يتفق مع النبي في المهمة الخاصة دي. ايه هي المهمة دي؟ ان
ليخترق جهاز مكة ويتسلل خفية ويروح يجيبهم ويجي. دي مهمة انقاز حياة وموت - 00:15:06

صح؟ في يوم من الايام كان اتفق مع واحد عجوز كبير مش هيقدر يتحرك لوحده. قال له انا هاجي في وقت كذا وهاجي اخذك. وراح
وهو بقى بيتخفف وماشي في الظلام شافته. مين؟ عناق. عناق في بعض كتب السير انها - 00:15:26

رأته من زله الحب يجيب لك يقول لك والله العزيز ده اسار هيسم. طب انت عارفة ازاي؟ ده عشرة عمري. فعارفاه منين من الظلم
قالت الشكل ده مرصد. فقالت مرصد ما هو من زمان بقى ما شافته بقى وقال لها رحت - 00:15:46

وبتاع والجو ليه؟ خلاص بقى. قالت له مرصد. فقال عناق! ما هو برضو كله عارف صوت بعضه. خلاص! فقالت له ايه بقى ما هي
عاوزه تكافئه واحنا من زمان والذكريات والكلام ده كله سايبني انت الفترة اللي فاتت دي كلها وبتاع والكلام ده كله يا سيدي ماشي
خليك في الاسلام بس - 00:16:06

بس برضو ما تضيعش ايه العلاقة القديمة. فقالت له ايه؟ ما قالوش بقى عاوزين نتكلم مع بعض والتاهية دخلت دغري. قالت له بت
عندنا الليلة انت النهاردة ايه هتبات عندنا. اوعى تقول يا بخته وانت قاعد كده في جو ايماني وبتاع فتضيع. فهما في الوزر سواء -
00:16:26

اسحب وارجع يا بخته بعد ما خد الطريق ده. مرصد قال لها يا عناق ان الله حرم الزنا هو عارف السك هي هو هي قالت له تعال نعمل
كده بس هو عارف ايه ان النار بتحرق. خلاص واحد يقول لك والله العزيز شف احنا بقى لنا ثلاث - 00:16:46

ما غلطناش. الشيطان اصلا واقف له على المنبر او مال يضحك. ليه؟ لانه بيقول له ده انت باقي لك اسبوع وهتجيب سفيان. فده وانا
سبحان الله. انا تقريبا من الفين واربعة ممكن ايه بجابو على بعض الاستفسارات بتاعة الشباب وكده. لا اذكر يوما ما. ان فيه واحد -
00:17:06

احلق في الطريق ده وكان ناوي يتزحلق. اكيد فيه بس انا اللي مروا علي ولا واحد كان واخد قرار انه يغلط الغلطة دي والكل بيقول
لي معلش يا شيخ انا غير. لو انا واسق فيك انا مش واسق في الشيطان. لان ما خلا رجل وامرأة الا وكان الشيطان ايه؟ المأزون -
00:17:26

ماشي؟ وهيجيب لك مبرر وعادي جدا تبقى ملتحي وهي منتقبة. واحنا بنتعاون على ايه؟ على البر والتقوى. وناوي ويتجوزني.
عشان كده انا حتى المخطوبين. كان فيه فيه حاجات مباحة بسبب ان المباح ده بيروح في اتجاه ثاني - 00:17:46

انا بقيت اي حد يستشيرني في موضوع الخطوبة اقول له نرجع ثلاثين سنة ورا. اللي هو ايه؟ تروح مرة واتنين. عجبك اه تمام يا
حاج؟ اه بسم الله بقى اما تيجي تكتب كتابك تبقى تقعد معك. عاوز افهمها والله لو قعدتوا عشرين سنة مع بعض مش - 00:18:06
افهمها الا اذا ايه؟ قالت له يعني مش كل واحد منكم قال انا اتدبست بعضكم قال انا اتدبست وهم بيقولوا ان هم اتدبسوا. كثير بيقول
كده يقول لك والله اقسام بالله كان طالع بالادوار وخارج مش عارف بايه وكان ما شاء الله واياه بقى وحماتي وانت امي بعد امي ولازم

اوصلك وكمل - 00:18:26

صح بس كان بلسم مسموم بعد الزواج. عشان كده النبي صلى الله عليه وسلم قال خيركم خيركم لاهله. ليه؟ يعني شف انت متجمل ازاي قدامي؟ تخش البيت عادي جدا ممكن تلبس حاجات يعني من برة هاله هاله من جوة يعلم الله صح؟ بتدخل يعني عشان كده من الحاجات اللي فرق بينا - 00:18:46

وبين النبي صلى الله عليه وسلم. ان انت النهاردة اما تيجي تخرج بتتعطل وتترزين للناس اللي برة. طب ما تيجي تخش بعرقك ومرك وكبرك كان النبي اذا دخل بيته قبل ان يدخل يستاك صلى الله عليه وسلم يستعمل السواك. ليه؟ لانه بيقول سبب معين ابقى اقوله لكم بعدين. قل - 00:19:06

ده كم زمن؟ اجابة صحيحة لسنك. لان الملايكة بتتأزى مما يتأزى منه بني ادم. حلو. ماشي. نرجع بقى وكنا بنقول ايه فودتنا في حنة تانية خالص. بيتها بت انت. فهي قالت له ايه؟ بت عندنا الليلة. هو كان فاهم كويس - 00:19:26
او ان الطريق ده اخره كده. ولزلك دايمًا بنصح الشباب واللي طبعًا بس انا اقفل موضوع الخطوبة عشان ما حدش يقدر انه ياخذ مني كلام. اي بنت بتتواصل مع ولد على الخاص على الكلام ده كله وبتبدأ به آآ كيف حالك؟ الحمد لله السلام عليكم ووالدك موجود طب ممكن اكمل - 00:19:46

عمه طب باكله عمه على طول. لآ هو لازم الشيطان يقول له خلي اصل ربنا قال ايه؟ خطوات ولا الشيطان؟ لا تتبعوا خطوات ولا الشيطان؟ خطوات الشيطان مش - 00:20:06

تقول لك خش كده هو مع علاقة عشان الموضوع شرقي فداخل معه ايه خلاص الموضوع متخلص من اعناق. لكن انت ببدا معك ايه؟ زكره لو صليت الفجر لا والله فاتتني لآ خلاص انا الساعة اتنين بالليل هرن كل يوم. الفجر ماشي؟ ومرة في الثانية في الثالثة في الرابعة ومش عارف ايه مرة ضحكة مرة قلب مرة ابتسامة - 00:20:16

مش عارف ايه والكلام ده كله انا نسيت شكلك. يا ابني نسيت شكلك انت كنت من شهر شايف رؤية مرتين وضايقتك تيجي ومامتك جت قبلها واختك جت وكله رفع تقرير - 00:20:36

وانت مش هتمسل ده انت في الرؤية خدت صورة خلصة. يقول لك نسيت شكلك. وآآ عاوز اشوفك بشعرك. وعاوز مش عارف الكلام ده كله. الكلام ده في وقت ما ممكن يعدي فقها بطريقة ما. بس السياق ده انا بقول لك مدمر. ونرجع بقى مشاكل ما انت انت بتشوف الوش ده - 00:20:46

الناس اللي بيستشاروا بيشفوا الوش الثاني اللي ورا الستارة. اللي ورا الستارة بتحصل مشاكل كتير اوي يكفي ان هي فرغت عاطفة الحب دي والتعلق دي بيحاصر اصل يا جماعة كسرة المساس بتجيب الارتباط ده. كسرة الكلام والحواديت دي والكلام ده كله. وبدون ما حد يسمعنا تلت القاعدين اللي مخطوبين - 00:21:06

والمخطوبين فاهمين الكلام ده كويس قوي. امال يدوا لايك بقلبهم كده صح كلامه صح. هيجي في يوم من الايام يسيبها مش قادرة ومش عارف ايه وهو مش قادر والدنيا وبتاع بسبب ايه؟ ان الحاجة الغالية اللي عندها مشاعر الحب بدأت تنفسها. عشان كده ان كنت فعلا صاحب مروءة - 00:21:26

وراجل والبنت دي عاجباك حافز على مشاعرها وسبها. سبها مقفولة. لغاية بقى ما خلاص تعزم العزم اكتب كتابك واحد ست سنين يا سيدي. نرجع لعناق. قالت له بيت عندنا الليلة. هو خلاص فاهم كويس قوي. قال لها ان الله حرم الزنا - 00:21:46

قالت له نعم. يعني انت من يومين اتهجدت هتيجي تقول لي بقى لا والله ده الغناء وما ينفعش اكلمك عشان انت احنا مختبراء او انت مش محرم لي. الكلام ده فراحت - 00:22:06

التي يا اهل مكة ربنا يكفيك شر امرأة تنتقم منك. شف وانا قلت لك عز بابك عشان كده يحصل ارتباطات وتيجي يحصل انفصال تقول لك ايه؟ لازم انتقم منه. كل اللي بيضحك هو عارف قصة وساكت ومستدع. ربنا يسترنا واياكم - 00:22:16
فقال يا اهل مكة ادركوا اسيركم فسم رجل يأخذ الاسرى. عشان تعرف ان الحب ده شهواني على طول دخلت يوسف السجن طب لو

هي بتحبته تأزيه كده ؟ اللي بيحب حد ما يأزيهوش. فعلا والله فعلا هو عمره ما ازاني. دي برضو من ضمن الحاجات تقول لي والله
العزيم - 00:22:36

يا شيخ انا بحبه موت وعمره ما ازاني. هو ممكن يكون زاهرا عمره ما ازاك الازى اللي انت تقصديه. بس هو عمل خفي انت مش
هتفوقي الا بعد عشرين سنة. وبصوا يا جماعة الطريق ده الزواج ليس توبة. تجب ما قبلها. هيقول لك - 00:22:56
احنا كنا خمس سنين مع بعض في الجامعة خلاص اتجوزنا يعني ايه اتجوزتوا ؟ خمس سنين اللي كانت معاصي دي انت تبت منها؟ ما
خلاص اتجوزنا لأ الزواج ليس توبة. انت عصيت ربنا - 00:23:16
خمس سنين لازم تتوبي من ده. وهقول وقاية للبنات اللي لسة في البداية. عشان ياخدوا بالهم من كلامي كويس. ما فيش واحد مهما
كان ده انك غالية في عينيه بعد الزواج وكنت ماشية معه ايه؟ قبل الجواز. انسي مهما كان يقول لك والله العزيم سيبك من كلام
الشيخ. طب احنا احنا مش متجوزين بقى لنا عشر - 00:23:26

طول عمره لو هو راجل دي مهمة جدا. لو هو راجل وعنده غيرة هيبقى عنده الحنة دي. يعني ممكن يكون مقصر في الصلاة بس راجل
يعني ايه؟ الزكورة عنده الغيرة موجودة. لكن بقى لو راحت هنتكلم على الرجالة اللي عندهم ايه؟ الحد الادنى من الغيرة. طول عمره -
00:23:46

يشوفك الا اذا وفقتي في توبة حقيقية مما مضى. يجمل الله سيرتك في ايه؟ في قلبه. والا طول عمره عارفك يقول لك ايه احنا
هننسى ده احنا خمس سنين. تيجي تقول له لا لا ما ينفعش نعمل كده لا ده ده غلط ما ينفعش اعمل كده. يقول لها غلط. طب ونقول يا
جماعة لغاية ستة لسته طب ده كان ايه؟ لا - 00:24:06

وطول عمره ما تمسكي الموبايل بعد الساعة واحدة بالليل تكلمي اختك عادي. بس هي قاعدة اومال تهزري وتبتسمي وتقولي كده
هيروح عليك ويري الموبايل وهيدهنه هيعسوس ويحاول يفتش. ليه؟ القديم. وهي كده بالمناسبة. اوعى تكون فاكرا ان الموضوع لا
هي برضو - 00:24:26

لأنها شايفاك طول عمرك خاين للامانة. طول عمرك عمرك ما هتدعي لي ليه لما تشوفك فعلا تبت توبة حقيقية ليه؟ لانك انت آآ خنت
امانة امانة ايه؟ امانة ان الاسلام ائتمك على عرض بنت. وانت ما ايه؟ خنت الامانة دي. ان عدي المطب العالي ده - 00:24:46
قالت يا اهل مكة ان اسيركم الحقوا الاسرة الاسرة بتاعتهم. قال فانطلق علي ثمانية رجل. تمانية طالعين ورايا جري ما هم كل شوية
يلاقوا واحد اتسلت. مين اللي بيخطف العيال؟ فعرفوا بقى مين؟ النجم ده. ده انهم يجروا وهو يجري لغاية ما دخل جبل
واستخبي في - 00:25:06

ده انهم يدوروا وبتاع مش لقوا شف البلاء حتى بال احدهم وسقط بوله على مرطب. بس شف المعجزة ان الله اعماهم كما مع النبي
في الغار. مرة سد يعمل ايه بقى لو انت مكانه؟ اخلع يا عم - 00:25:26
صح؟ يدخل تاني بطولة مغامرة ويحاول يخترق تاني لمكة ويروح يجيبه. وراح فعلا جابه وخده وشالوا الى المدينة على كتفه. بس
هو طول الطريق فيه حاجة شاغلاه. بت عندنا الليلة دي ويا مرصد وبتاع ضرب - 00:25:42

على الوتر القديم. فتحت ضغطت لينك كده جابت الستة جيغا. فهو حطه قدام منه طب واياه اللي فيها! طب ما هو ممكن فراح للنبي
صلى الله عليه وسلم وده جميل انك يكون عندك حد بترجع له. فقال له يا رسول الله طبعا هو قال لها ان الله حرم الزنا. يبقى الزنا ايه
- 00:26:02

فقال له يا رسول الله انجح علاقة اتجوزها؟ فسكت النبي صلى الله عليه وسلم. هل سكت النبي يريد الا يكسب هذا القلب ويريد ان
يهينه كده الاول ولا قدر الله ان يسكت النبي حتى يجبر قلب مرسب الوحي. لان هو - 00:26:22
اوي على مشاعره. دابحها بسكينة. لأ أنا دا طريق ربنا؟ اه ايا كانت مشاعري تحت رجلي. اصل اه تحت رجلي. فمرة لما قال كده للنبي
فسكت النبي فنزل الوحي. ومنه والزانية لا ينكحها الا زان او مشرك. فالموضوع ايه؟ النور قطع - 00:26:42
يعمل ايه بقى مرصد؟ يروح بقى عند ابو عبيدة ابن الجراح مالك يا مرتضى؟ مهموم بس ادعي لي ادعي لي ورح معيط. ايه يا عم في

ايه ؟ ما فيش وبتاع انا عاوز - 00:27:02

تقريريني وعاييز بقى طول ما هو ماشي وجاي متأخر وكل شوية اعيط والنبي ايه هي مصر وايات الجنة بيعيطوا ايات النار وبتاع وما عدش يقعد مع الصحابة وما عدش ويبقعد في البيت كثير ما اصل انا فاصل. ما حدش حاسس بي. انا جوايا نار. صح؟ وايه ده انه بقى يخش في الموت ده ويروح حاطط بقى - 00:27:12

دي كعبة ويطوف حواليتها. حياته بقى وبتاع ومش عارف ايه ويدبل وما بياكلش يا ابني كله. لا لا وتلاقي بقى الحاج يا حاج خلاص طب ما انا عدت انت ازاى؟ ده بنت آآ صعبة خالص. يا حاج ابنك بيموت. والواد خلاص هيضيع. لأ. ما تنسوش اللي هو الطاقة دي هو موجهها - 00:27:32

عشان التوجيه ده وشاغل نفسه بيرتاح. وفيه زنوب يا جماعة انت لازم يحصل عليك كنترول فيها عشان مناعتك فيها ضعيفة. ما تضايقكش تقول ايه انا حاولت لأ لازم تستعين بحد سقة حكيم. امين. فمرصد لغى الموضوع من دماغه. وداس على مشاعره. وسبت - 00:27:52

وايه اللي حصل؟ في حدود تمنناش شهر كان على سرية. ومات شهيدا. تعالوا نشوف بقى مرسى كسب ايه لما ترك قداس على نفسه. ولو كان استسلم كان راح فين؟ مرصد كسبي واحد الشهادة. صح؟ كذب الشهادة. كذب الكرامة. لان الابواب دي يا جماعة الزنب ده اللي بيقع - 00:28:12

وما يتوبش توبة حقيقية يبتلى بالفقر. آآ احنا نكلمك في في الدنيا والاخرة بقى موضوع ثاني. فقر ضيق صدر واي واحد في الملفات دي يبقى عارف ان هو الى الان محتاج حد يساعده في التوبة محتاج ان هو يتوب. ولازم - 00:28:32

يساعد نفسه ويسلم يعني خلاص لو في ناس يا جماعة زي عكرمة كان بيخلي ابن عباس يربطه في السارية المسجد اقعد. ابو لبابة ربط نفسه في السرية قال انا انا خلاص مش هتحرك. في اوقات انك لازم يبقى في شدة على نفسك. اقف - 00:28:52

صديق في النفسية تلاقي دايم في مشكلة جوة. والامراض لان النبي صلى الله عليه وسلم قال الا ايه؟ ما فسدت هذه فاحشة الا ابتلاهم الله بالاوجاع التي لم تكن. وقال النبي صلى الله عليه وسلم اللي يبتلى بالفاحشة دي سلط الله عليه الموت. فتلاقي عمره - 00:29:12

بيحتضر. كل اللي انا باقوله ده عشان ما يتحسبش في غير مكانه ده على غير التائبين. اما اللي تابوا ده موضوع ثاني خالص ليه بقول بضغط في الموضوع ده؟ عشان تبقوا انتم عارفين ان الموضوع ده يا جماعة كان مرصد ممكن يقول انا بعمل اعمال كبيرة ورايح جاي واسرى وان شاء الله كل ده في ميزان حسناتي لان الشيطان - 00:29:32

وصل لك ان الملف ده سهل جدا لأ ساء سبيلا. الملف ده اللي بيقع فيه مش سهل. يكفي عذاب القبر فرن كما قال النبي صلى الله عليه وسلم فرن ساشع كده فرن قد الجامع ده ضيق من اعلاه واسع من ادناه في ولعة وفي ناس - 00:29:52

بتطير من الولة والولة دي بتيجي فين؟ في مكان عفتهم من تحت. فيطلعوا يطلعوا ويصوتوا يوضووا فخلاص هيطلعوا عند الفواهة يروحوا النار هادية يروحوا نازلين تولع ثاني ويروحوا نازلين وهكذا. ايه بقى مين بقى هتضيع حياتك عشان الموضوع ده - 00:30:12

والموضوع ده بيبدأ منين يا جماعة؟ والعين تزني. نبدأ بالعين واللسان يزني. بيبدأ بالكلام. اوعى تكون فاكتر الموضوع ده اللي هو ايه؟ الاخر. لأ. فمرصد رضي الله عنه كسب كرامته لنفسه. كسب الشهادة. كسب النور ده انه محافز عليه. تخيل لو مرصد كان وقع في المشكلة دي. وقدر ان هو هيقابل ربنا - 00:30:32

بعد سنتين حياتك يا مرصد بعد الهجرة وبعد الكلام ده كله تقابل ربنا كده فقصة مرصد نستفيد منها يا جماعة ان مهما كان فيه متعة في الماضي متعة الحاضر ومتعة الطاعة مختلفة. وتخلي اللي زي مرصد ده يدوس وينسى. ولا فيه بقى مشكلة نفسية ولا مفاصل ومش عارف ايه وما حدش حاسس بي. لا انا مشغول - 00:30:52

فاللي وقع في اي حاجة من الحاجات دي لازم يشغل نفسه صح. فاسأل الله سبحانه وتعالى ان يمن علي وعليكُم بالمتعة الحلال.

واسأل الله سبحانه وتعالى يمتعنا وإياكم متاعاً حسناً ويجعلنا ممن آمنوا فمتعهم الله سبحانه وتعالى ويمن علي وعليكم بحسن العمل
وحسن الخلق وحسن الختام جزاكم الله خيراً - [00:31:12](#)